

UNIVERZITET U BIHAĆU

telefon/faks: 387 (0) 37 222-022

adresa: Pape Ivana Pavla II 2/II
77000 Bihać

e-mail:kabinetrektora@unbi.ba



UNIVERSITY OF BIHAĆ

phone/fax: 387 (0) 37 222-022

address: Pape Ivana Pavla II 2/II
77000 Bihać

e-mail:kabinetrektora@unbi.ba

Na osnovu odredaba člana 61. i člana 218. Statuta Univerziteta u Bihaću, te člana 19. stav (12) Standarda i normativa za obavljanje djelatnosti visokog obrazovanja na području Unsko-sanskog kantona ("Službeni glasnik Unsko-sanskog kantona", broj: 21/22, 33/22, 12/23 i 21/24) Senat Univerziteta na svojoj CI (stoprvoj) redovnoj sjednici, održanoj dana 23.1.2025. godine donio je

PRAVILNIK O ANGAŽOVANJU NASTAVNIKA I SARADNIKA UNIVERZITETA U BIHAĆU NA DRUGIM JAVNIM VISOKOŠKOLSKIM USTANOVAMA

Član 1.

Ovim Pravilnikom bliže se uređuju uslovi međusobne razmjene nastavnika i saradnika Univerziteta u Bihaću za angažman na drugim javnim visokoškolskim ustanovama, te postupak davanja saglasnosti za takav angažman.

Drugom javnom visokoškolskom ustanovom u smislu ovog Pravilnika smatra se svaka javna visokoškolska ustanova uzemlji i u inostranstvu.

Član 2.

Radi zabrane takmičenja zaposlenika sa matičnim Univerzitetom, zaposlenik može biti angažovan izvan Univerziteta samo uz prethodno odobrenje Senata Univerziteta u Bihaću, kako je to i regulisano ovim Pravilnikom.

Senat ovlaštenja iz prethodnog stava može prenijeti na Rektora o čemu donosi posebnu odluku.

Član 3.

Zahtjev za davanje saglasnosti za angažman na drugoj javnoj visokoškolskoj ustanovi zaposlenik podnosi Rektor u uz prethodno pribavljeno mišljenje dekana fakulteta.

Zaposlenik podnosi zahtjev Rektor u Univerziteta prije početka nastave u semestru, uz koji prilaže mišljenje dekana fakulteta iz prethodnog stava, te zahtjev druge javne visokoškolske ustanove kojim se iskazuje potreba za njegovim angažmanom.

Na odluku Senata/Rektora zaposlenik može podnijeti prigovor Senatu za preispitivanje iste u roku od 15 (petnaest) dana od dana prijema Odluke.

Odluka Senata iz prethodnog stava je konačna.

Član 4.

Zaposlenik koji nije pribavio saglasnost u smislu Člana 3. ovog Pravilnika, ne može, u svoje ime i za svoj račun, kao ni za račun druge visokoškolske javne ustanove, učestvovati u izvođenju nastave na drugoj javnoj visokoškolskoj ustanovi.

Član 5.

Ako zaposlenik postupi suprotno odredbama iz prethodnog člana ovog Pravilnika, čini svojom krivicom težu povredu radne obaveze, te poslodavac ima ovlaštenje da poduzme Zakonom i normativnim aktima Univerziteta u Bihaću određene propisane mjere.

Član 6.

Univerzitet će putem Ureda za nastavu i studentska pitanja voditi jedinstvenu evidenciju o zahtjevima za angažman i rad nastavnika i saradnika u skladu sa ovim Pravilnikom.

Član 7.

Zaposlenici koji su dodatno angažovani u nastavi na Univerzitetu (nastavnici sa 6 sati preko osnovne norme sedmično, saradnici sa 5 sati preko osnovne norme sedmično), ne mogu dobiti saglasnost za angažman na drugoj visokoškolskoj ustanovi, osim ako je to po ocjeni Rektora u interesu Univerziteta u Bihaću, shodno zaključenom ugovoru o međusobnoj saradnji osam javnih visokoškolskih ustanova u BiH.

Član 8.

Saglasnost za angažman na drugim javnim visokoškolskim ustanovama neće dobiti nastavnici i saradnici koji odbiju držati nastavu iznad osnovne norme u oblasti izbora na matičnoj visokoškolskoj ustanovi.

Član 9.

Maksimalno opterećenje za angažman na drugoj javnoj visokoškolskoj ustanovi može biti do četiri sata sedmično, odnosno 60 sati semestralno ili 120 sati godišnje.

Online nastava, kao i angažman nastavnog osoblja Univerziteta u Bihaću na drugim javnim visokoškolskim ustanovama u ulozi mentora i člana komisije za odbranu završnih radova, ne ulaze u ograničenje iz stava (1) ovog člana, a o ovom vidu angažmana dužni su pismeno upoznati dekana, odnosno rektora.

Član 10.

Ovaj Pravilnik stupa na snagu narednog dana od dana objavljivanja na oglasnoj tabli i na WEB stranici Univerziteta u Bihaću, a primjenjivat će se od početka ljetnog semestra akademske 2024/25. godine.

Član 11.

Stupanjem na snagu ovog Pravilnika, prestaje važenje i primjena Pravilnika broj: 06-3810/212 od 14.09.2012. godine.

Predsjednik Senata
prof. dr. Atif Hodžić

Broj: 06-522/ 2025

Bihać, 23.01.2025. godine

Ovaj Pravilnik stupio je na snagu 25.01.2025. godine.